

醫案
下

潛齋醫書五種

上海文瑞樓印行



王氏醫案續編卷二 原名仁術志

古杭王士雄孟英醫案

秀水咸 錢塘周 鈞少雲續輯

此察中合 法特一番湯 滌之功故覺 少延時日耳 然涼劑已畏 其寒若加湯 滌之品必不 敢服此治病 之所以難也

此證明明虛 寒何以作虛 寒治不效蓋 虛寒乃此人 之本體而痰 咳乃新受之 邪邪不治其 邪而專補其 虛則邪無出

莊芝階舍人之外孫汪震官春前陡患赤痢孟英診之脈滑數而沈面赤苔黃手足冷過肘膝當臍 鞭痛小溲澀少伏熱為病也與大劑苓連梔棟滑石丹皮砂仁延胡查菊銀花草決明等藥兩服手 足漸溫而脚背紅腫起庖如蒲桃大二二十枚四服後腹痛減苔退而渴於原方去查菊砂仁加白 頭翁赤芍海蛇旬日後痢色轉白而腿筋抽痛乃去丹皮滑石赤芍加雞金橘紅生以石斛兩服痛 止溲長糞色亦正脚庖潰黃水而平穀食遂安改用養胃陰清餘熱之法而愈聞孟英治此證每劑 銀花輒兩許尚須半月而瘳設病在他家焉能如此恪信苟過別手斷無如此重劑況在冬春之交 誠古所未有之痢案後人恐難企及

豆蘆齋室新產後嘔吐不止湯水不能下嚔頭痛痰多苔色白滑孟英用蘇梗橘半吳萸茯苓旋覆 薑皮柿蒂紫石英竹茹一劑知二劑已

鄭嫗患咳嗽自覺痰從腰下而起吐出甚冷醫作腎虛水泛治漸至咽喉阻塞飲食礙進即勉強嚔之 而胸次梗不能下便溏澀頻無一人不從虛論孟英診曰脈雖不甚有力右部微有絃滑苔色黃膩 豈屬虛證以葦莖湯合雪羹加貝母知母花粉竹茹麥冬枇杷葉柿蒂等藥進十餘劑而痊

滿洲少婦懷娠漏血醫投補藥漏如故問或不漏則吐血延踰二載腹中漸動孕已無疑然血久溢 於上下甚至納食即吐多醫不能治孟英診之脈滑數有力是氣實而血熱也證不屬虛補藥反能 助病愈補愈漏胎無血陰而不長其所以不墮者氣分堅實耳與大劑清營藥血溢遂止而稀沫頻

路以致積補
生熱此舌胎
之所以黃膩
也蓋英以清
熱化痰為治
尚是一半治
病一半治藥
誤也

吐得飲即嘔口渴心忡氣短似促乃用西洋參麥冬知母石斛枇杷葉竹茹柿蒂生白芍木瓜重加

烏梅投之覆杯即安次日能吃飯矣

珠小輝太守令媛驟患頭腫連及唇鼻乃至口不能開舌不能出孟英視之曰溫毒也用射干山豆

根馬勃羚羊薄荷銀花貝母花粉杏仁竹黃為劑并以紫雪搽於脣內錫類散吹入咽喉外將橄欖

核磨塗腫處果吐衄涎而腫漸消詰朝即啜稀粥數日而愈

一男子患便血醫投溫補血雖止而反泄瀉浮腫延及半年孟英診之脈數舌絳曰此病原濕熱溫

補翻傷陰液與芩連梔芍桑葉丹皮銀花石斛棟實冬瓜皮鼈甲雞金等藥旬餘而愈

陸厚甫室陳芷潯主事之女也產後經旬偶發脫痛專用與溫補藥因寒熱氣逆自汗不寐登園不

能解而臥則稀水自流口渴善嘔香不納穀食云不起矣乃父速孟英診之脈絃數而滑曰本屬陰

虧肝陽侮胃誤投溫補澀滯之劑氣機全不下降以致諸證蠱起醫者見而却走是未明其故也與

沙參竹茹棟實延胡梔連橘貝杏斛枇杷葉為肅肺以和肝胃法覆杯即安但少腹隱隱作痛於前

方去杏貝竹茹加知母花粉茯苓白芍橘核海蛇乃解宿垢而瘳

周子朝患惡寒頭痛發熱酷似傷寒而兼心下疼脹孟英脈之右部沈滑苔黃不渴漫如蘇木汁先

以葱豉湯加梔連杏貝薑橘為方服後微汗而不惡寒反惡熱雖湯飲略溫即氣逆欲死孟英曰客

邪解矣清其痰熱可也與知母花粉杏貝旋滑斛橘枇杷茅根蘆地栗海蛇等藥果吐膠痰甚多而

納食漸復惟動則欲喘於肅上之中佐以滋下為善其後而瘳

濮樹堂室懷妊五月患春溫口渴善嘔壯熱無汗旬日後始浼孟英視之見其煩躁譫語苔黃不燥

孟英於溫熱
痰飲獨有心
得故遇此等
證如推枯拉
朽合觀諸候
可以得治溫
病之法

凡厥逆脉伏
之證其熱深
藏多不易解
非卓識定力
不惑於證亦
必搖於眾議

曰疫熱阻氣也病不傳營血藥禁用。試令按其胸次。果然堅痛而大解仍行法當開上用小陷胸如
石菖蒲枳實杏貝如鬱桅翹等藥蘆根湯煎服服二劑神情即安四劑心下豁然惟心腹如烙嘔止
不納改投大甘寒加烏梅頻啜漸康秋間得子亦無恙

胡振華以花甲之年患溺後出血水甚痛自云洩頗長激似非大證孟英察脈有滑數之象與元參
生地犀角梔棟槐蕊側柏知母花粉石斛銀花甘草梢萊豆等藥旬日而痊踰四載以他疾終
管氏婦自去秋患赤痢多醫罔效延至暮春孟英診脈絃數苔黃渴飲腹脹而墜日熱夜甚用白頭
翁湯合金鈴子散加苓芍梔斛吞駐車丸決旬而愈

濮樹堂室病孟英甫為參愈而樹堂繼焉起即四肢厥逆脈伏惡寒發熱頭痛左為甚惟口渴因與
葱鼓二劑熱雖退脈仍伏四肢冷過肘膝大解頻行人皆疑為虛寒孟英曰此證儼似陰厥然渴飲
洩赤真情已露豈可泥於一起即厥而必定其為寒乎徑投涼解熱果復發而肢冷脈伏如故幸病

者堅信服藥不疑至第七日大便瀉出紅水溺則管痛嘔惡煩躁徹夜不眠人更危之孟英曰熱邪
既已下行可望轉機以白頭翁湯加銀花通草苓芍如滑知斛梔棟羚羊之類投三日紅水始止四

肢漸和頗有昏瞢謔語用王氏犀角地黃湯一劑四肢熱而脈顯滑數苔轉灰黃大渴遺溺病人自
述如卧烘箱上於昨方加入元參銀花竹葉生石膏知貝梔斛服一劑夜間即安寐而苔轉黑燥於

昨方復加花粉服一劑熱退而頭面汗多嬾言倦寐小洩欲解不通諸戚友咸以為危各舉所知而
羣醫僉云挽救不及病家皇皇孟英曰此證幸初起即予診視得盡力以為死裏求生之舉非比他

人之病皆因誤治致危然不明言其險者恐病家惶惑而築室於道旁也今生機已得不過邪去真

陰未復但當恪守予法自然水到渠成切勿二三其德以致為山虧簣賴有一二知音竟從孟英議服西洋參生地從蓉麥冬棟芍知斛藥一劑瀕行索粥再服而黑苔退三服而神清音朗舌潤津回唯有勑痰不能吐必偏頭微痛於原方加二至桑菊貝母牡蠣又復五劑得解鞭矢一次各患始安眠食漸適而瘳

陳足甫洩後見血管痛異常減餐氣短孟英以元參生地知母棟實銀花側柏葉梔子桑葉丹皮象豆為方藕湯煎服二劑病大減乃去丹皮柏葉加西洋參熟地服之而瘳

王開榮偶患腹中絞痛自服治痧諸藥而大便瀉血如注孟英診之左頗和右關尺絃大而滑面色油紅喘逆不寐與葦莖湯合金鈴子散加銀花側柏葉梔子連二劑後面紅退血亦止乃裁糖葉

銀花加雪羹枯荷桿又二劑始發熱一夜得大汗周時而腹之痛脹熒然若失即能安寐進粥改投沙參知母花粉桑葉枇杷葉石斛白芍橘絡杏仁冬瓜子茅根荷桿三劑大解行而脈柔安穀

陳叟久患痰嗽氣逆夏初因惡寒自服理中湯遂痰中帶血氣喘而厥二便不通冷汗腹脹孟英察脈洪大按腹如烙與葦莖湯加梔棟旋貝花粉海蛇外以田螺大蒜車前草搗貼臍下即瀉行而平

高某患兩膝後筋絡痠疼略不紅腫卧則痛不可當徹夜危坐孟英切脈虛細苔色黃膩因燥溺赤與知斛梔棟牛膝豆卷桂枝竹瀝為方送虎潛丸旬日而瘳

楊某方作事不知背後有人潛立回顧失驚遂不言不食不寐不便別無他苦孟英按脈沈絃以石薤蒲遠志琥珀膽星旋貝竹黃杏仁省頭草羚羊角為劑化服蘇合香丸二劑大解行而嘔粥夜得

寐而能言復與調氣甯神蠲飲藥數日霍然

之氣橫逆
心肝失所
也孟英先
平肝驅痰而
後養血柔肝
亦先標後本
之法
病不甚重治
亦合法而難
收捷效者以
陰虛之體不
勝溫熱之氣
也此即四損
不可正治之
例設治不如
法則危矣
葉氏云溫邪
中人首先犯
肺其次則入
心正此病也
雖不用下劑
而通經透絡
之品大劑用
之亦足以清
滌邪穢

趙聽樵令妹每汛至則腹脹嘔吐腰脊痠疼兩腿腫痛筋掣腕疼甚至煙厥多藥不效孟英以金鈴子散合左金加二陳竹茹枳實桂苓數劑而愈續用從容皂絲淫羊杜仲桑葚木瓜續斷香附歸苓尚棟調之汛至如期略無痛苦初冬適楊子樸尋即受孕

濮東明令孫女素稟陰虛時發夜熱少餐不寐仲夏患感發疹汛不當期而至孟英用犀角知母石膏生地梔薤花粉甘草竹葉蘆根等藥疹透神清唯鼻燥異常吸氣入喉辣痛難忍甚至股冷復於方中加元參竹茹荊葉荷桿各患始減而心中吐沫徹夜不眠渴汗便黑改投西洋參生地麥冬小麥竹葉黃連真珠百合貝母石斛牡蠣龜板蔗汁諸藥而愈李秋適姚益齋為室

金亞伯廷尉適室產後惡露不行渴瀉痰多孟英以北沙參滑石生薏苡生扁豆蛤殼豆卷石斛竹茹枇杷葉琥珀茯苓等藥數劑而愈

顧竹如孝廉令媛患感十餘日耳聾不語昏不識人而客未入室彼反先知醫以為崇凡犀角地黃牛黃清心復脈等湯徧服無效已摒擋後事矣所親濮根屋囑其延診於孟英脈至滑數舌不能伸苔色黃膩遺溺便秘目不交睫者已四晝夜胸腹按之不柔與白虎湯去米草加石膏蒲元參犀角龍甲花粉杏仁竹葉竹黃竹瀝投一劑即譫語滔滔渠父母疑藥不對病孟英曰不語者欲其語是轉機也再投之大渴而喜極熱之飲又疑涼藥非宜孟英姑應之曰再服一劑更方可也三投之痰果漸吐四劑後舌伸便下神識漸清乃去芎蒲石膏犀角龍甲加生地石斛麥冬貝母數劑熱盡退而痰味甚鹹又去杏貝竹黃加西洋參牡蠣龜板從容服之全愈踰年失怙繼遭祝融鬱損情懷誤投溫補至戊申年殞

王氏醫案卷之...

邵魚竹給諫患感楊某作瘡治不應始近孟英診之熱為毒所結故於皮膚腿痠顯是濕溫因謂其令郎子旒曰濕溫者濕蘊久而從時令之感以化熱也不可從表治更勿畏虛幸補與宣解一劑各恙頓減奈眾楚交味謂病由心力勞瘁而來況汗多防脫豈可不顧本原群醫附和遂服參歸熟地之藥病日以劇最後吳古年診之云此濕溫也何妄投補劑然已未從挽救交十四日而殞始悔不從王議

康伯侯司馬之夫人久傷謀慮心火外浮面赤齒疼因食西瓜遂脫悶不舒喜得熱按泄瀉不食自覺舌厚數寸苔色灰膩孟英與厚補滑石薤白枇杷葉橘皮薄荷旋覆省頭草一劑霍然

葉杏江仲郎患發熱泄瀉醫治十七日不效骨瘦如柴音嘶氣逆所親許正卿薦孟英診之脈數大渴汗多苔黃以竹葉石膏湯加減十餘劑漸以向愈大解反極堅燥繼與滋養而康

張某患發熱醫知其非寒邪也用清解藥數劑腹痛異常身面漸黃孟英診之脈滑實腹脹口乾與茵陳大黃湯兩劑便行而各恙霍然

魏女患腳腫嘔吐寒熱便秘孟英與龍膽瀉肝湯而立效繼有孫氏婦患此亦以是藥獲痊

馮媼患左目胞起瘰繼而痛及眉稜額角顛頂腦後筋掣難忍醫投風劑其勢孔亟孟英診脈絃勁舌絳不饑與固本合二至桑菊犀角元參牡蠣龜甲白芍知母石斛丹皮細茶等出入互用匝月始愈

此亦肝經熱之證孟英善於調肝故應手輒效

濮媼於酷熱之秋渾身生癩如疔痛楚難堪小溲或秘或頻大便登圓非努掙不下卧則不能收攝人皆謂其虛也孟英診脈滑數舌紫苔黃而渴與白虎加花粉竹葉梔子白微紫苑石斛黃柏十餘

劑而痊

姚小衡太史令姪女。初秋患寒熱而汎適至。醫用正氣散兩劑。遂壯熱狂煩。目赤譫語。甚至欲刎。欲
縊。勢不可制。孟英按脈洪滑。且數。苔色乾黃。大絳。腕悶腹脹。拒按。畏明。口渴。氣逆。痰多。與桃仁承氣
湯加犀角。石膏。知母。花粉。竹瀝。甘菊。人謂熱雖熾而汎尚行。何必大破其血。而又加以極寒之藥。哉。
孟英曰。更勿過慮。恐一二劑尚不足以濟事。果服兩大劑。始得大便。而神清苔化。目赤亦退。改用甘
寒以清之。繼而因為更衣。即脈滑苔黃而腹脹更與小承氣湯二劑。便行而各恙盡已。數日後又如
故。仍投小承氣湯二劑。凡前後六投。下劑纔得波浪不興。漸以清養而瘳。季秋適江右。上高令孫明
府之子沛堂為室。

董曉書令正素患脫痛。甚至暈厥。今秋病腰疼腿木。胸悶氣逆。不能卧。胡某進溫補藥。而喘汗欲脫。
杳不思穀。孟英切脈虛細中兼有絃滑。舌絳而渴。乃陰虛挾痰耳。與沙參陰調。肝而不燥。此五英獨得之秘。從蓉木瓜石斛法飲。利。我。蛤殼我。蘇
石英茯苓紫苑杏仁棟實首烏牛膝諸藥。旬日而安。繼加熟地黃服之全愈。

王葦塘患滯下。醫投枳朴檳查之藥。數服後肢冷自汗。杳不進穀。腕悶腹脹。小溲牽疼。舉家皇皇。孟
英視脈細濡。舌絳無津。是高年陰虧。伏暑傷液。況平昔如素胃。汁不充。加以燥烈之藥。津何以堪。因
與沙參陰調。肝而不燥。此五英獨得之秘。銀花從蓉白芍石斛木瓜甘草棟實扁豆花鮮稻頭數劑。痛悶漸去。汗止肢溫。乃加生地阿
膠麥冬柿餅蒲桃乾等以滋之。居然而痢止餐加。惟舌色至匝月始津潤復常。陰液之難充也如此。
沈綬齋令堂患滯下。色白。醫與溫運。病勢日劇。腹脹昏瞶。湯飲不下。孟英診為伏暑。用苓連滑朴等
藥。沈疑高年。且素患脫痛。豈可輒用苦寒。孟英再四剖陳。始服半劑。病果大減。不數劑即愈。按此等

證甚多。奈執迷不悟者。雖剴切言之。不能解其惑。亦可哀也已。

一叟患滯下。色白不刺不饑不渴。腹微痛而不脹。孟英切脈遲微。進大劑真武湯加參而愈。

程秋霞子患腦漏。醫與辛夷蒼耳之藥。漸有寒熱。改用柴葛羌防數劑。遂致寒熱日發。數次神昏自

汗。熱甚可危。孟英用竹葉石膏湯一劑。寒熱退而神清。進粥繼以甘涼清肅。復投滋潤填陰。旬日而

健。未浚宣令堂患滯下。醫聞色白。而與升提溫補。旬日後肢冷自汗。液脫肛墜。羣醫束手。慮其虛脫。

因挽濮樹堂乞診於孟英。曰藥誤耳。與大劑行氣蠲痰清熱之藥。果漸吐痰而痢愈。又其令弟同時

患此。五色並見。神昏肢搖。大渴莖腫。腹痛後熱。危險異常。孟英察脈細數。與白頭翁湯加犀角生地

銀花石斛棟實。延胡苓連滑石丹皮木通甘草梢等藥。三劑後熱退神清。溺行搖止。乃去犀角單梢

丹皮滑石木通加砂仁拌炒熟地山查炭服之。漸安。半月而愈。

姚小衡大令患瘡寒微熱甚。曰作二次。汪某與柴胡藥二劑。勢遂劇。舌絳大渴。小溲全無。孟英曰。津

欲涸矣。與西洋參生地知母花粉石斛麥冬梔子百合竹葉投之。五劑而瘡止。越三載以他疾終。其

蓬室同時患此。嘔吐脇痛畏寒不渴。苔色微白。孟英與小柴胡湯三飲而瘳。

孫渭川年踰七旬。脈象六陰。按之如無。偶患音嘶痰嗽。舌絳無津。孟英用甘涼清潤法。音開而嗽不

已。仍與前藥轉為滯下。色醬溺赤。臍旁堅韌。按之起。趨舌猶枯。絳湯飲不饑。人皆危之。孟英曰。藏熱

由府而出。利不足慮。第高年陰液難充。不能舍涼潤為方。苟犯溫燥。其敗可必。幸渠家平素恪信。竟

服犀角地黃知母銀花茯苓花粉麥冬白芍石斛棟實等藥。十餘劑。痢止而臍旁柔軟。因去犀角加

西洋參。又服兩旬。始解燥矢而溲澈胃甦。又服半月。復得暢解。舌亦潤澤而愈。

王耕監室素患脫痛近發寒熱醫與溫補漸至胸痞嘔呃謔語神昏舌絳面赤足冷自汗瘡仍不休
孟英用元參犀角石膏石菖蒲連翹杏仁貝母旋覆竹茹枇杷葉竹黃柿蒂竹瀝鬱金諸藥化服萬
氏牛黃清心丸數服而愈

潘祥行在外患瘡買舟歸就孟英視曰苔膩脈芤伏邪所化不與正瘡同科風寒藥一味不可犯薑
棗湯一滴不可啜與知母橘半滑朴杏斛花粉省頭草一劑而病若失此等案極多姑載一二
張與之令堂久患痰嗽礙臥素不投補藥孟英偶持其脈曰非補不可與大劑熟地藥一飲而睡與
之曰吾母有十七載不能服熟地矣君何所見而重用頗投孟英曰脈細痰鹹陰虛水泛非此不為
功從前服之增病者想必難以參朮之助氣昔人云勿執一藥以論方故處方者貴於用藥之驗當
病情而取舍得宜也

瘡亦分經而治若陽明瘡正以白虎湯為主劑豈有專守一小柴胡而能愈病者

陳足甫室懷妊九月而患瘡目不能睜口渴自汗便溏氣短醫進育陰清解法數劑不應改用小柴
胡一劑而咽疼舌黑心頭絞痛乃翁仰山聞之疑其胎壞延孟英過診曰右脈洪滑雖舌黑而胎固
無恙也病由伏暑育陰嫌其滋膩小柴胡乃正瘡之主方古人謂為和劑須知是傷寒之和劑在溫
暑等證不持手足異經而人參半夏薑棗皆不可輕用之藥雖有黃芩之苦寒而仲聖於傷寒之治
猶有渴者去半夏加括婁根之文古人立方之嚴密何後人不加體察耶投以竹葉石膏湯四劑瘡
止便秘口渴不休與甘涼濡潤法數劑忽腹鳴泄瀉或疑寒涼所致孟英曰吾當以涼藥解之人莫
識其意問難終朝語多不備錄果以白頭翁湯兩啜而愈迨季晚秋後發熱不蒸乳惡露淡且少家
人欲用生化湯孟英急止之曰血去陰更傷豈可妄疑瘀停而攻之與西洋參生地茯苓石斛女貞

旱蓮甘草為大劑數日而安。繼因觸怒少腹聚氣如瘕痠痛夜甚。人又疑為涼藥凝滯所致。孟英力為辨折。與橘核橘葉橘絡棟實從蓉木香梔子烏藥絲瓜絡海蛇藕石斛兩頭尖等藥外。以葱頭搗爛貼之。兩劑後腹中雷鳴。周身汗出而痛止。人見其汗慮為虛脫。急追孟英視之。曰此氣行而病解矣。但脈形細數陰津大傷。苔黃苦渴亟宜潤補。奈樞機窒滯滋膩難投。且以濡養八脈為法。服之各恙皆蠲。眠食漸適。緣平素多鬱。易犯痧氣。頻發脘痛屢次反復。孟英竭力圖維。幸得轉危為安。漸投滋補而愈。

胡季權子珍官甫六歲。目患內障。繼則夜熱痰嗽。小溲過多。醫作童損治。服滋補數月。病日以甚。孟英持脈右大口渴苔黃。曰伏熱在肺。法當清解。及詳詰其因。始言病起瘡後。蓋餘熱未淨而投補太早。與滑石知母花粉桑葉茅根枇杷葉蘆根冬瓜子杏仁服二劑。偏身發出斑塊。又二劑斑退苔化。乃去滑石加沙參餌之。其熱頭面先退。次退四肢。以及胸背。又數日甫退於腹。人皆詫其熱退之異。孟英謂熱伏既久。復為半年之補藥膩滯於其間。焉能一旦盡滌。其勢必漸清而漸去也。熱退既淨。溺亦有節。痰嗽遞蠲。餐加肌潤而內障亦漸除矣。

顧奏雲季秋患感。醫作虛治。補及旬日。舌卷瘞厥腰以下不能略動。危在須臾。所親石誦義延孟英。設死裏求生之策。察脈虛促欲絕。先灌紫雪一錢。隨溉犀角地黃湯二大劑。服下厥雖止而舌腭滿黑。目赤如鳩。仍用前湯。三日間計服犀角兩許。黑苔漸退。神識乃清。而呃忒頻作。人猶疑其虛也。孟英曰營熱雖解。氣道未肅耳。以犀角元參石花連翹銀花竹茹知母花粉貝母竹葉為方。服之。次日即下黑靛矢甚多。而呃忒止。又三劑連解膠黑矢四次。舌色始潤。略進米飲。腿能稍動。然腎已磨穿。

矣與甘潤育陰樂續解黑矢又五次便溺之色始正投以滋養日漸向安己酉舉於鄉其弟翰雲患左胯間腫鞭而疼暮熱渴赤舌絳而渴孟英按脈細數徑用西洋參生地麥冬棟實知母花粉銀花連翹甘草黃柏等藥服旬餘而愈

康康侯司馬令郎爾九在玉環署中患心中自汗氣短面赤雲時溲溺數十次澄澈如水醫僉謂虛補之曰劇乃來省就孟英診焉左寸關數右絃滑心下似阻因作痰大阻氣心熱移肺治用蛤殼黃連枳實棟實旋覆花粉橘紅杏仁百合絲瓜絡冬瓜子海蛇薺薺竹茹竹瀝梨汁等出入為方服之良愈而司馬為職守所羈嘗患恙函請孟英診視者再四竟不克往繼聞司馬於冬仲竟卒於廬乃知病而得遇良手原非偶然前歲遇而今歲不能致豈非命也耶

許自堂令孫子社患感延至秋杪證文二十八日諸醫束手渠伯母鮑王士夫人薦孟英診之左部數右手儼若魚翔痰嗽氣促自汗痙攣苔色灰厚渴無一息一停垂危若是而皓首之祖孀母少妻相依為命環乞拯救甚可憫也孟英曰據脈莫能下手吾且竭力勉圖第恐一齊眾楚信任不堅則絕無可望之機矣其母長跽而言曰唯君所命雖砒鴆勿疑也於是先以竹葉石膏湯加減至五劑氣平嗽減汗亦漸收苔色轉黑舌光露絳改投元參生地犀角石膏知母花粉竹葉銀花等藥又五劑痙攣漸減舌絳漸退彼婦翁召羽士為其拜斗飛行嚙水鼓樂喧闐病者即譖妄不安神昏如醉羽士反為嚇退晝夜速孟英視之與紫雪錢餘神即清爽仍用前方重加竹瀝服八劑始解黑如膠漆之大便而黑苔漸退右脈之至數始清惟煩渴不減令其恣啖北梨舌纔不燥痰出亦多又六劑舌色乃淡溲出管痛熱邪得從下行矣凡十二日之間共服大劑寒涼已二十四劑計用犀角三兩

有奇而險浪始平續以前法緩制服六劑又解黑矢五分手足始知為已有又五劑筋絡之振惕始定略能側卧嚙語乃息漸進稀糜繼灌甘潤充其胃汁七八劑後渴止知饑脈皆和緩又決旬穀食乃復又旬餘便溺之色始正前後共下黑矢十餘次苔色亦淨授滋填善後而康是役也凡同道暨許之族人戚友莫不以為秋冬之交用藥偏寒況病延已久敗象畢呈苟不即投峻補必致失手既聞鮑夫人云歸許氏二十餘年目擊多人無不死於溫補此等病曾見之此等藥蓋未嘗聞也孰知如此之證有如此之治求之古案亦未前聞傳諸後賢亦難追步蓋學識可造而腸熱膽堅非人力所能及此孟英所以為不世出之良醫也

段春木秋杪患發熱而腰腿痛如刀割孟英視之略不紅腫脈至細數苔色黑燥溺赤便黑與西洋參麥冬生地犀角銀花棟實石斛知母甘草竹瀝蔗汁為大劑投之熱漸退痛漸已惟舌絳無津仍與甘涼濡潤為方數日後忽舌絳倍加燥及咽膈水飲不能下嚙孟英曰真陰涸竭藥難奏績矣然竊疑其何以少愈之後驟爾陰枯或者背予而服別藥乎繼其契友來詢云段死於舌出此曷故歟孟英聞之爽然大悟因擲傷寒女勞復之文示之其人頓足云良然彼於少愈後曾宿於外次日歸即轉劇苟直陳不諱或尚可治孟英曰未必然也燒棍散鼠失湯皆從足少陰以逐邪不過熱邪襲入此經所謂陰陽易是也今少腹無絞痛之苦原非他人之病易於我真足女勞之復以致真陰枯涸更將何藥以驟復其真陰哉然從此而女勞復與陰陽易一虛一實有定論不致混同而談治矣顧昇庵參軍之仲郎久患多疑善恐不出房者數年矣食則不肯與人共案卧則須人防護寡言善笑時或遺精多醫廣藥略無寸效孟英切脈甚滑數與元參丹參竹黃竹茹丹皮黃連花粉梔子海

蛇薺薺為劑送服當歸龍薺丸四劑即能出暑觀劇遊淨慈而登吳山參軍大喜歎為神治次年為之配室

陳某偶患瀉泄所親鮑繼仲云余往歲患瀉治不中肯延逾年載幾為所困今秋患此服孟英方數劑霍然故服藥不可不慎也蓋延孟英治之陳因中表二人皆知醫招而視之以為有便輒投以溫補健脾之藥數日後瀉果減而發熱昏痙咽喉黑腐其居停瞿穎山疑病變太速囑其請援於孟英孟英診曰遲矣病起泄瀉何必為寒正是伏邪自尋出路而溫補以固留之自然內陷厥陰不可救藥果即殞焉繼有高小垞孝廉令弟兩生因食蟹患瀉黃某用大劑溫補藥瀉果止而頸筋痠痛舌絳嘔渴口氣甚臭孟英持脈沈數曰食蟹而後瀉會逢其適耳脈證如斯理應清潤奈病人自畏涼藥復質於吳某亦主溫補服及旬日昏煙舌黑而斃

金某久患脫痛按之漉漉有聲便秘澀赤口渴苔黃查不知饑絕粒五日諸藥下嚥傾吐無餘孟英察脈沈弱而絃用海蛇葶薺各四兩煎湯飲之徑不吐痛亦大減繼以此湯煎高麗參黃連棟實延胡梔子枳椇石斛竹茹柿蒂等藥送服當歸龍薺丸旬日而安續與春澤湯調補收績蓋其人善飲而嗜瓜果以成疾也

此肝氣挾停
飲上逆也緣
藥嗜瓜果胃
陽久傷故於
平肝滌飲之
中如參以扶
胃氣

喬有南年三十九歲患牝瘡二旬醫治罔效所親徐和團疑為伏暑迺孟英往診脈微無神倦卧奄奄便秘半月溺赤不饑痰多口甘稍呷米飲必揉胸捶背而始下苔色黑膩而有蒙茸之象乃曰此精氣神三者交虛之證不可與時行伏暑晚發同年而語也幸前手之藥法主運中尚無大害與參朮桂附沉香拌炒熟地鹿角石莖苡歸扶杜仲棗仁菟絲山茱橘皮霞天麴胡桃肉等出入為大

此與前案虛實相反正可對看

此當是痰閉氣結之故緣合九辛辛通氣故愈若其肝浮氣逆益以香實之藥安能愈乎

劑投十餘劑寒後始有熱而苔色乃退口不作渴甘痰亦日少粥食漸加即裁桂附白朮加石斛又服七劑解黑燥大便其多凡不更衣者四旬二日矣寒熱亦斷安穀溲澄而竟愈或謂先生嘗嘗人溫補之非何一旦放手而大用孟英曰溫補亦治病之一法何可廢也第用較少耳世之醫者眼不識病僅知此法可以媚富貴之人動手輒用殺人無算豈非將古人活世之方翻為誤世之藥可痛恨耶

陳媼患牝瘡月餘腹脹便秘嘔多不饑口淡脈滑孟英主連朴橘貝杏茹旋苑杷莢為方數劑即瘳孟英治其令弟季傑之遺室因夜間未寐侵晨飲酒解寒適見人爭評即覺心跳欲吐家人疑其醉也而欲吐不出氣即逆奔如喘且肢麻手握語言難出又疑為急痧而欲刺之孟英聞而視之脈象絃駛曰夜坐陽升飲醇則肝陽益浮見人爭評是驚則氣更上逆不可刺也灌以蘇合香丸一顆下咽即瘳

黃履吉截瘧後患浮腫趙某聞其體素虛切其脈絃細遂用溫補馴致呃忒不休氣衝礙臥飲食不進勢瀕於危請孟英決其及返餘杭否孟英曰脈雖強細而有力子必誤服溫補矣肯服吾藥猶可無恐因與括萸薤白合小陷胸橘皮竹茹湯加柿蒂旋覆蘇子香附赭石紫苑杷葉為方四劑而瘳吳馥齋室春間婉子不育凡事亦未一行偶患嘔吐發熱眩暈心饑大解澹泄口渴溲痛或疑其娠或疑為損孟英診曰產及一載而經不至腹不脹脈絃緩非娠非損乃血虛痰滯而感冬溫也以於羊淡茹竹茹白薇梔子杷葉知母葱白花粉投之三劑熱退吐止去葱豉羚羊加生地甘草橘皮調之而愈

盛犀林廣文之僕患血痢自秋徂冬半年罔效孟英察脉細弱而口乾腰膝痠疼與鹿角霜從容拘杞杜仲菟絲續斷血餘石脂木瓜砂仁末炒熟地黃十餘劑而痊

徐月巖室患周身麻木四肢癱瘓口苦而渴痰冷如冰氣逆欲嘔汎腹脹頻飲極熱薑湯似乎暢適深秋延至季冬服藥不愈孟英診脉沈弦而數曰溺熱如火乎聞有發厥乎病者唯唯遂以雪羹旋豬旋棟如斛知母花粉桑枝羚羊橄欖蛤殼為方送下當歸龍薈丸服之遽效二十劑即能起榻乃去羚羊加西洋參生地從容竊投之漸愈

張肖江妹暮冬患感寒某進溫散藥數服病日劇比孟英視之目瞪不語面赤氣逆晝夜需人抱坐四日不著枕矣乃冬溫挾痰誤提而氣不肅降也以旋豬杏貝花粉茅根冬瓜子紫苑薤白葶仁蘇子石菖蒲竹瀝為劑蘆服湯煎三劑大便秘行而能卧矣自言胸中迷悶改用小陷胸合三子養親加沙參知母旋貝竹茹枇杷葉數劑熱退知饑而愈嗣有王炳華子患感寒某用溫散藥而氣逆礙卧四明老醫王秉衡作腎虛不能納氣治連服大劑溫補喘嗽益劇面浮跗腫擡肩自汗大渴脇痛乞治於孟英已半月不交睫矣診其脉右部絃大而強舌根黑苔如煤者兩條面黎形瘦幸而大解溲泄得能消受許多誤藥徑與旋豬黃連枳實括婁蘇子杏仁紫苑生石膏蘆服汁六大劑始能就枕而大渴不止脘腹反形痞脹按之堅痛乃去旋豬少加白芥子半夏薤白兼今日啖北梨數十枚服旬日胸腹皆舒苔色盡退惟嗽未已改用西洋參杏貝蘆根知母冬瓜子花粉柿霜枇杷葉竹瀝十許劑嗽止而跗腫渴瀉亦皆霍然矣凡啖梨三百餘斤聞者莫不詫異

王氏醫案續編卷二終

王氏醫案續編卷二終

